



BUYRUQ

П Р И К А З

6. июль 2016 yil.

№ 36

Toshkent sh.

**Ўзбекистон Республикасининг “Давлат ҳокимияти ва бошқаруви органлари фаолиятининг очиқлиги тўғрисида”ги Қонуни ижроси тўғрисида**

“Давлат ҳокимияти ва бошқаруви органлари фаолиятининг очиқлиги тўғрисида”ги Ўзбекистон Республикаси Қонунининг ижросини ташкил этиш ва таъминлаш мақсадида буюраман:

1. Қуйидагилар:

Ўзбекистон Республикаси Иқтисодиёт вазирлигининг фаолияти тўғрисидаги ахборотлар рўйхати 1-иловага мувофиқ;

Ўзбекистон Республикаси Иқтисодиёт вазирлигининг фаолияти тўғрисида расмий веб-сайтга жойлаштириладиган ахборотлар рўйхати 2-иловага мувофиқ тасдиқлансин.

2. Барча бошқарма ва бўлим бошлиқлари масаланинг тегишлилигига қараб, ушбу буйруқнинг 1- ва 2-иловалари билан тасдиқланган ахборотларни белгиланган тартибда ва ўз муддатларида тақдим этиб бориш учун масъул этиб белгилансин.

3. Қонуннинг 6-моддасига мувофиқ, Ўзбекистон Республикаси Иқтисодиёт вазирлигининг фаолияти тўғрисидаги фойдаланилиши чеклаб қўйилган ахборотлар рўйхати 2015 йил 30 декабрда қабул қилинган “Ўзбекистон Республикаси Иқтисодиёт вазирлигининг ахборотлаштириш объектларидаги махфий ахборотлар рўйхатини тасдиқлаш тўғрисида”ги 66-сонли буйруғи билан тасдиқланганлиги инобатга олинсин.

4. Ишлар бошқармаси (Р. Сабиржанов) ушбу буйруқни марказий аппаратнинг барча бўлинмалари ҳамда Иқтисодиёт вазирлиги тасарруфидаги ташкилотларга етказилишини таъминласин.

5. Ахборот хизмати (Ш. Мансуров) Қонуннинг 14-моддасига мувофиқ, вазирлик фаолияти тўғрисидаги ахборотнинг матнларини тайёрлашни, Ишлар бошқармаси (Р. Сабиржанов) ушбу ахборотлар акс эттирилган стендни вазирлик биносининг барча учун кўринадиган жойига ўрнатилишини таъминласин.

6. Мазкур буйруқнинг ижросини назорат қилишни ўз зиммамда қолдираман.

Вазир



Г. Саидова

**Ўзбекистон Республикаси Иқтисодиёт вазирлигининг  
фаолияти тўғрисидаги ахборотлар  
РЎЙХАТИ**

1. Ўзбекистон Республикаси Иқтисодиёт вазирлигининг (кейинги ўринларда вазирлик деб юритилади) таркибий бўлинмалари ва тасурруфидаги ташкилотларнинг ҳуқуқий мақоми белгиловчи норматив-ҳуқуқий ҳужжатлар;

2. Вазирлик томонидан қабул қилинган норматив-ҳуқуқий ҳужжатлар ҳамда бошқа норматив ҳужжатлар, шунингдек уларнинг ижроси тўғрисидаги маълумотлар;

3. Вазирлик томонидан қабул қилинган норматив-ҳуқуқий ҳужжатларга, норматив ва бошқа ҳужжатларга ўзгартиш ва қўшимчалар киритиш, шунингдек ушбу ҳужжатларни ўз кучини йўқотган деб топиш тўғрисидаги маълумотлар;

4. Вазирлик томонидан ишлаб чиқилаётган норматив-ҳуқуқий ҳужжатларнинг ва бошқа норматив ҳужжатларнинг лойиҳалари тўғрисидаги маълумотлар;

5. Вазирлик томонидан Давлат дастурлари ҳамда бошқа дастурлар амалга оширилиши тўғрисидаги маълумотлар;

6. Вазирлик томонидан ўтказиладиган оммавий тадбирлар (мажлислар, кенгашлар, учрашувлар, матбуот конференциялари, брифинглар, семинарлар, давра суҳбатлари ва бошқалар) тўғрисидаги маълумотлар;

7. Вазирликнинг давлат ҳокимияти ва бошқарувининг бошқа органлари, жисмоний ва юридик шахслар, шунингдек хорижий ва халқаро ташкилотлар билан ҳамкорлиги тўғрисидаги маълумотлар;

8. Амалга оширилишида вазирлик иштирок этаётган Ўзбекистон Республикасининг халқаро шартномалари тўғрисидаги маълумотлар;

9. Вазирликнинг фаолияти соҳасига тааллуқли бўлган тармоқ (худуд)нинг ҳолатини ва унинг ривожланиш суръатини тавсифловчи асосий кўрсаткичлар ҳақидаги, шу жумладан ижтимоий-иқтисодий ривожланиш кўрсаткичлари тўғрисидаги маълумотлар;

10. Бўш иш ўринлари, ишга қабул қилиш шартлари ва бўш иш ўринларини эгаллаш учун номзодларга қўйиладиган талаблар тўғрисидаги маълумотлар;

11. Вазирликнинг очиқ ҳайъат мажлисларини ўтказиш режалари, шу жумладан мажлисларнинг кун тартиби лойиҳалари, улар ўтказиладиган сана, жой, вақт ҳамда мажлисларда ҳозир бўлиш тартиби.

*Эслатма: Вазирликнинг фаолияти тўғрисидаги ахборот жумласига қонун ҳужжатларига мувофиқ бошқа маълумотлар ҳам киритилиши мкин.*

**Ўзбекистон Республикаси Иқтисодиёт вазирлигининг  
расмий веб-сайтига жойлаштириш мажбурий бўлган ахборотлар  
РЎЙХАТИ**

1. Ўзбекистон Республикаси Иқтисодиёт вазирлигининг (кейинги ўринларда вазирлик деб юритилади) расмий веб-сайтига қуйидаги ахборотлар жойлаштирилади:

вазирликнинг ҳуқуқий мақомини, шу жумладан вазирликнинг таркибий бўлинмалари ва тасарруфидаги ташкилотларнинг ташкилий тузилмаси, вазибалари ва функцияларини белгилайдиган норматив-ҳуқуқий ҳужжатлар;

вазирлик томонидан қабул қилинган норматив-ҳуқуқий, норматив ва бошқа ҳужжатлар;

вазирлик томонидан қабул қилинган норматив-ҳуқуқий ҳужжатларни ўз қучини йўқотган, деб ҳисоблаш тўғрисидаги маълумотлар;

вазирлик соҳасида Ўзбекистон Республикаси Президенти, Вазирлар Маҳкамаси томонидан қабул қилинган дастурлар тўғрисидаги умумий маълумотлар;

вазирлик томонидан ўтказиладиган оммавий тадбирлар (мажлислар, йиғилишлар, учрашувлар, матбуот конференциялари, семинарлар ва брифинглар, давра суҳбатлари, расмий ташрифлар) тўғрисидаги маълумотлар, қундалик фаолият тўғрисидаги бошқа ахборотлар;

вазирликнинг бошқа давлат органлари, юридик ва жисмоний шахслар, шунингдек хорижий ва халқаро ташкилотлар билан ўзаро ҳамкорлиги тўғрисидаги маълумотлар;

вазирлик иштираётган халқаро шартномалар тўғрисидаги ахборотлар;

вазирлик фаолияти соҳасидаги ижтимоий-иқтисодий ривожланиш ҳамда унинг ривожланиш динамикасини тавсифлайдиган асосий кўрсаткичлар тўғрисидаги маълумотлар;

бўш иш ўринлари, ишга қабул қилиш шартлари ва номзодларга қўйиладиган талаблар тўғрисидаги маълумотлар;

расмий веб-сайтнинг ахборот материалларидан фойдаланишда унга ҳаволалар мажбурий кўрсатилиши тўғрисидаги талаблар;

вазирлик томонидан ишлаб чиқиладиган норматив ҳужжатлар лойиҳалари тўғрисидаги маълумотлар;

вазирлик томонидан ўтказиладиган мажлислар унинг кун тартиби, шунингдек сана, вақт, ўтказиш жойи ва уларда қатнашиш тартиби кўрсатилган ҳолда очик мажлислар ўтказиш режалари;

вазирлик расмий веб-сайтда жойлаштириш зарур, деб ҳисоблайдиган бошқа умумий фойдаланиладиган ахборотлар ва маълумотлар.

2. Вазирлик томонидан расмий веб-сайт орқали кўрсатиладиган базавий ахборот хизматлари рўйхатига қуйидагилар мажбурий тартибда тақдим этилади:

вазирлик раҳбарлари тўғрисидаги маълумотлар (фамилияси, исми, отасининг исми, биографик маълумотлар ва улар билан боғланиш маълумотлари, фуқароларни қабул қилиш кунлари);

вазирликнинг таркибий бўлинмалари (шу жумладан, фуқаролар мурожаатлари билан ишлаш бўлинмалари)нинг телефон рақамлари ва манзилли реквизитлари (почта, электрон манзили ва бошқалар), уларнинг иш тартиби тўғрисидаги ахборотлар, маълумотлар бериш хизмати ва ишонч телефонларининг рақамлари, кириш йўллари, тўхташ жойлари ва жамоат транспорти рақамлари тўғрисидаги маълумотлар;

юридик ва жисмоний шахсларнинг аризалари, шикоятлари ва бошқа мурожаатларини қабул қилиш тартиби тўғрисидаги ахборотлар;

вазирликнинг фаолияти тўғрисидаги таҳлилий маърузалар ва ахборот кичиринишидаги шарҳлар, йил чораги ва йиллик ҳисоботлар, шунингдек тармокнинг ҳолати тўғрисидаги таҳлилий маълумотлар;

вазирлик раҳбарлари расмий нутқлари ва баёноатларининг матнлари;

Интернет тармоғидаги бошқа тегишли веб-сайтларга ва Ўзбекистон Республикасининг Ҳукумат порталига ҳаволалар;

юридик ва жисмоний шахсларнинг ҳисоботлари, хатлари, аризалари, шикоятлари ва мурожаатларининг бошқа шаклларини қабул қилиш (электрон-рақамли имзодан фойдаланишга қараб);

вазирликнинг матбуот хизмати (масъул ходимлар билан алоқага киришиш) тўғрисидаги маълумотлар;

электрон почта орқали ҳамда эълонлар ва янгиликларни етказиб беришнинг оммавий автоматлаштирилган форматлари орқали расмий веб-сайтни янгилашга ёзилиш имконияти;

вазирликнинг «Электрон ҳукумат» тизимида қатнашиши, унинг роли ва қатнашиши хусусияти, шунингдек ушбу соҳада амалга ошириладиган тадбирлар (қандай давлат хизматлари кўрсатилади, қандай маълумотлар айирбошланади ва шу кабилар) тўғрисидаги маълумотлар;

жисмоний ва юридик шахсларнинг тез-тез бериладиган саволларига жавоблар.

3. Расмий веб-сайтда бошқа манбалардан ахборотларни жойлаштиришга фақат ахборот манбаи кўрсатилган тақдирдагина йўл қўйилади.